

錢

龔

詩

餘

鐵龕詩存卷二

塞上雜題十首

府中大起銅龍第
閫外高懸珠虎牌
羊侃後房歌按
部陳稀賓客屢盈階
又聞精銳抽邊社
儘有文章論
正淮欲向君平問消息
風波滄海浩無涯

二

東都盜賊尙縱橫
四野喧喧金鼓鳴
故事最優將作
監新兵又築受降城
蒙古三將軍近已招降
軍需苦給驃姚尉
節制誰同僕射營
始信蕭曹務休息
覆舟惟水漫相輕

三

幾載烽煙城郭荒中原戎馬尙倉皇運移梅福難求
隱勢重淮陰敢請王塞外驃姚狂縱酒關中蕭相苦
籌糧荆湘又見羽書至遼海徵兵向武昌

四

金吾席上見雙鬟檀板金樽映妙顏帳下更無崔掾
史座中獨有謝阿蠻蒼髯老子風情健白馬三郎酒
態孱曼衍魚龍陳百戲夜深不放舞腰閒

五

令公家世建蜚弧神鬼蒼茫懾虎符
碧玉才人春侍宴紅衫妖妓夜樛
璫銀箏十二調鸚鵡練甲三千擁
虎韞賓客階前盈劍履江山傳箭
仰奇謨

六

都護轅門折柬招座中更有霍驃
姚燈前秘笈開三寶帳裏春風坐
二喬庾嶺霜柑纖手擘曲阿春釀
素襟澆酒酣莫話中原事燭跋鷄
鳴月在霄

七

元戎令節報千秋遍召娥眉付主
謳百戰功名楊大

眼一堂儀節范長頭促襟雜坐薰鄉澤脫帽高呼縱
酒籌我亦山東狂李白醉眠錯認主家樓

八

訐謨兒戲竟如何紛議聲中虜渡河軍令不能誅馬
謾相公猶自夢春婆南蠻復反勞擒縱北鄙無功誤
戰和獨有年年勤饋餉關中蕭相苦催科

九

世事茫茫百感縈書生白面莫談兵東來處仲盈廷
震北伐桓溫拜表行鐵券何堪銷異志檄書尙解顧

虛名由來說士能傾國
萌徹還居大將營

十

車馬喧闐繞畫堂
相逢縱博且傾觴
棄繻俠少無顏
恰聯袂妖姬鬧掃妝
江左衣冠聞解體
遼東豪傑競橫槍
今宵醉臥君休笑
西入榆關即戰場

答李再旂

又號畫隱

得君尺素讀君詩
搖筆抒懷氣自奇
何氏三高唯好隱
杜家仲弟不趨時
江湖笑傲方齊贅
雲雨荒唐伴楚姬
疑是玄真子
再世滄浪一笠獨神怡

感事

英雄見與書生異書生抱負濟何事幾見英雄奏大
功斤斤猶帶書生氣沛公謾罵溺儒冠屠僧黥徒盡
舊歡獨有良平蕭酈在動容不共腐儒看假酒昏蒙
龐統狂桓侯一怒下耒陽謫知枳棘栖鸞鳳動色趨
風拜下堂桓侯沛公皆謾士有時猶重書生議豈是
今人異古人虛聲純盜何堪恃書生通病是空疎英
雄通病是輕儒輕儒不盡英雄病獨病書生盡腐迂
安石不出望如渴出誤蒼生悔迂闊小事糊塗節呂

端大言比擬誇諸葛大難大疑相逼來聽天竟少補
天才將軍白眼頻輕客談士黃金枉築臺去病成功
傲天幸賓僚喜色私相慶摘藻揚芬各論功功人功
狗互爭競書生何必鄙英雄識見相懸才不同西使
班超憤投筆北來鄧禹快從戎人生每苦不自知責
己何如責世時成敗休論天下事敗則狐鼠勝蛟螭
掀髯我爲英雄喜低頭又爲書生恥不英雄亦不書
生我獨戾時穠穠子

和徐又錚司令即席留別原韻

雄師十萬出遼西
控制幽燕撼楚齊
李廣彎弓驚虎臥
由基抽矢懾猿啼
故人意氣千杯酒
大將風威萬馬蹄
心勅雷霆開世界
陣雲浩蕩草萋萋

雜作十五首

作非一時每有所觸輒拉雜記之

三戟通侯門第新
綏綏賓客日紛綸
子雲筆札君卿舌
座上誰知拄頰人

二

肘後陰符勅電雷
散金結土築高臺
一時第令監奴輩
都是銀槍效節材

三

夜半傳呼覓念奴月明鈴閣伴樗蒲棘門灞上春泥
軟印出蓮花瘦影圖

四

長鋏純鉤滿壁懸曾從青海建功旋婆羅門引柘枝
舞夜夜高樓促錦筵

五

豐容盛鬋鞞花冠座上羣驚賈佩蘭欲問本初宮裏
事含情不語意悽酸

六

燿火石壇夜半時光明夾道列千師
渴烏引洒南郊路春仲將軍祭武祠

七

當年七十二疑塚牛蹋狐穿出古碑
不是兔絲吞骨識阿瞞智術竟何爲

八

雜坐優伶敷粉脂聲歌不似拱垂時
如何端笏拖紳地引吭爭歌苾絜兒

九

列肆縱橫炫一時
狗枷犢鼻亦珍奇
錦箱鄭重相賤
送競說相如與李斯

十

金籠翡翠自伶仃
觸損珠毛鍛盡翎
爭及倦翔枝上
鳥雙雙引嘴取脂瓶

十一

入幕鄰生作上賓
豈如南郭濫竽人
一從宗閔稱高
手按孔於今不姓陳

十二

沈脾徐肺寄生囊浪說肥癡與瘦狂可似新亭名士
集憂時熱淚灑王郎

十三

綿帽溫爐夏亦親薑椒每飯不嫌頻文休學博宜多
病俗吏如何也效顰

十四

球仗傳呼出麗譙鍍金鞍轡馬嘶驕高昂已筦西南
道儀從爭誇半里嬌

十五

夾竹桃花滿院栽，
罨低處長青苔。
小兒爭握聚頭扇，
撲取翩翩邨裏來。

愛舊書

近來文人多愛舊書，雖殘缺亦寶之。若拱壁書，肆人遂愈居奇。

烈士愛寶刀，
在刀不在韞。
美人愛明珠，
在珠不在櫝。
書以文字傳，
豈在紙版宿？
不知文士心，
何以獨異俗？
明刻十倍值，
宋刻百倍足。
宋明不可得，
清初亦爭錄。
搜羅破紙堆，
經庫充朽蠹。
甚至魯豕訛，
殘蝕不可讀。
亦若買名姝，
美珠傾十斛。
如曰歲月深，
爭似蒲與竹。

借問買書者重文抑重牘

捉馬車謠

有人自南中來言南北戰事未息農民失業土地荒蕪及力役之征無時或息情形頗慘

羸馬兮敝車田家蓄之供菑畬雖然羸敝不如初老
農寶愛逾金珠春雨初晴春土蘇趣耕有鳥鳴山隅
家家膏秣事犁鋤昨日官軍下虎符大索車馬運軍
儲百乘千乘如羊驅驅車叱車夫車夫駭走心踟躕
農時或違田將蕪

答李在旂

衆人皆醉何論我振古如茲非始今四十八年試回

首百千萬事但盟心生平錯愛游俠傳到老厭聞馬
客吟毀譽升沈何足論天空海闊拓胸襟

麗人行

楊白花楊白花一朝飛入君侯家紅顏不盡傷薄命
出入香塵七寶車門楣有幸七族光分香贈黛姊妹
行豪腸都嵌相思骨光艷如融珍珠漿戚里香車日
迎送丹青喚下眞眞夢時聞球仗按柘枝園第光輝
驚里衆房老春光容易過李波小妹起謠歌傾城傾
國難再得莫使秋風上翠蛾

進爾酒

贈李在旂

進爾酒登爾堂堂不必輪奐酒不必瓊漿兔葵燕麥
爲君嘗但願百年得飲三萬六千場大江東去日夜
忙龍盤虎踞尙自迭興亡況乃炙手餘熱冰山易僵
君不見黑頭公紅紛孃朝如青絲暮雪霜數十寒暑
駒道隙海上誰傳不死方又不見季倫富本初強鄧
通董賢車服如侯王牙籌脫手豪華盡不能收拾歸
黃腸進爾酒與君且盡三千觴

春旱